

Yesus Dimaranakatn

Yesus Lahir



Edisi Kedua

Ahe (Kanayatr)

Keagamaan

Yesus Dimaranakatn

Yesus Lahir

Ahe (Kanyatn)

Kalimantan Barat, Indonesia

Copyright © 2017, Text- Kartidaya Images- Good News Productions International and College Press Publishing



<http://creativecommons.org/licenses/by-nc-sa/4.0/>

Anda tidak boleh menggunakan karya ini untuk keperluan komersial. Anda dapat menyesuaikan dan menambahkan ke karya ini, namun Anda hanya dapat mendistribusikan hasil karya tersebut di bawah lisensi yang sama atau serupa dengan yang ini. Anda harus menghargai hak cipta dan pengakuan untuk para penulis, ilustrator, dsb.

Pictures can be used in the retelling of Bible stories and narrative that are faithful to the Biblical account. They are not to be used in any context where the accompanying message is undermining of the Christian faith and gospel.

English Scriptures quoted are from the NIV Bible © 2011 published by the Biblica Inc. Used with permission.




Taka' buntikng Elisabet dah anam bulatn, Tuhan Allah mare' parentah ka' malaekat nang badama Gabriel ampus ka' Nasaret, kota ka' wilayah Galilea.

Lukas 1:26



Gabriel di Tuhan Allah ngutus untu' batamu man nangdara gi' bungas badama Maria. Maria koa dah batunungan man nanglaki nang badama Yusup, nang uga' katurunan Raja Daut.

Lukas 1:27



Malaekat koa atakng ka' Maria man bakata “Ba'ati nang repo kita', Tuhan Allah sisi baik ati ka' kita!! Tuhan Allah nyaratai' kita!!”

Nangar pakataatn malaekat koa Maria kabingungn man gulisah, sampe ia batanya'-tanya' ka' dalapm atinya, ahe ratinya pakataatn malaekat koa.

Lukas 1:28-29



Malaekat koa bakata agi' ka' Maria, “Ame gali' kita',
Maria, jukut Tuhan Allah sidi baik ati ka' kita'.

Lukas 1:30



Kita' muntingana', man maranakatna' Kamuda'
nanglaki nang arus kita' bare' dama Yesus.

Lukas 1:31



Man Ia marentaha' jaji Raja ka' atas katurunan Israel salama-lamanya. Karajaan-Nya ina' baujukng.”

Lukas 1:33



Kata Maria ka' malaekat koa, “Lemae bisa jaji lekoa?
Aku gi' dara!”

Malaekat koa nyahut, “Roh Tuhan Allah ataknga' ka'
kita', man kuasa Tuhan Allah nang Miah Bakuasa
nyarataia' kita'. Koa tagalnya Kamuda' nang di kita'
paranakatnna' koa, disabuta' Kudus, Anak Tuhan
Allah.”

Lukas 1:34-35



Lalu Maria bakata, “Biarlah jaji ka' aku lea nang di kita' matakatn koa, aku nurut ka' Tuhan Allah.” Lalu malaekat koa ningalatn Maria.

Lukas 1:38



Ina' lama laka' Yohanes Pamaptis dimaranakatn,
Kaisar Agustus mare' parentah ka' sigana urakng
nang ka' nagari karajaan Roma, arus naptaratn
diri'nya untu' sensus. Sensus nang pamulaatn nian
dinyalanan wa'tu Kirenius jaji gubernur ka' propinsi
Siria.

Lukas 2:1-2



Tagal koa sigana urakng pulakng ka' kampokng asal ene' uyutnya untu' naptaratn diri'nya.
Lea koa uga' Yusup, ia badiapm ka' kota Nasaret ka' wilayah Galilea, mpat ka' Nasaret ia barangkat ka' wilayah Yudea. Ia ampus ka' kota Betlehem, tempat Raja Daut dimaranakatn, barang Yusup koa katurunan Raja Daut uga'.

Lukas 2:3-4



Yusup ampus untu' naptaratn diri'nya barage man
Maria tunangannya nang gi' tagah babuntikng.

Lukas 2:5



Taka' nyadua ka' Betlehem dah namus arinya Maria baranaka'. Ia maranakatn kamuda' nanglaki anaknya nang tuha. Kamuda' koa nya mungkus man paca'. Dah koa nya nguringan ka' dalapm dulakng nang baisi' aruman, barang nyadua koa nana' namu tempat untu' nginap.

Lukas 2:6-7




Malam koa ada panyaga-panyaga domba nang gi' tagah nyaga domba-domba pihara'atnnya ka' padang barumput nang ka' samak Betlehem. Tiba-tiba malaekat Tuhan Allah nele'atn diri'nya kana' panyaga-panyaga domba ka' koa, man saho nang tarakng mpat ka' Tuhan Allah narakngi' ia ka' koa, ia ka' koa sisi kagali'anan.

Lukas 2:8-9



Kahe mpakoa, malaekat Tuhan Allah koa da' bakata,
“Ame gali!! Jukut aku atakng nyampeatn Kabar nang
Gagas untu' kita', kabar nang sisi miah ngarepoatn
sigana urakng. Ari nian ka' kota Raja Daut dah
dimaranakatn Raja nang nyalamatatnna' kita' Ia koa
Karistus, Tuhan. Nianboh tandanya: Kita' namuia'
Kamuda' nang dimungkus man paca', nang
dinguringan ka' dalapm dulakng.”

Lukas 2:10-12



Ia ka' koa da' ampus ka' Betlehem, ngago'ia' Kamuda' koa. Baru' ia ka' koa batamu Maria man Yusup, man uga' Kamuda' nang dinguringan ka' dalapm dulakng koa.

Lukas 2:16



Panyaga-panyaga domba ka' koa mulakng ka' padang rumput sirage muji ka' Tuhan Allah, barang sigana nang dah nya nele' man nya nangar koa pas lea nang di malaekat Tuhan Allah madahatn ka' ia ka' koa.

Lukas 2:20



Dah baumur lapan ari, Kamuda' koa dimalak man dinalah Yesus. Dama koa nang dimare' malaekat ka' Ia sanape' Ia ka' buntikng uwe'-Nya.


Dah sampe arinya Maria man Yusup nyalanan adat panyuciatn biar Maria baraseh nuruti' parentah Tuhan Allah. Nyadua ngincakng Kamuda' koa ka' Yerusalem yak disarahatnna' ka' Tuhan Allah.

Lukas 2:21-22




Barang ka' dalapm parentah Tuhan Allah taconteng lea nian, "Sigana kamuda' laki nang tuha, arus disarahatn ka' Tuhan Allah." Nyadua koa uga' mare'atnna' persembahan ka' Tuhan Allah: dua eko' burukng pakukur ato ge' uga' dua eko' burukng dara nang gi' muda', lea nang dinatapn parentah Tuhan Allah.

Lukas 2:23-24




Ari koa ka' Yerusalem ada seko' urakng badama Simeon. Ia koa urakng nang batabiat edo' man uga' taat ka' Tuhan Allah, nang tagah ngantiatn arinya Tuhan Allah nyalamatatnna' bangsa Israel. Roh Tuhan Allah nyaratai' ia. Man uga' Roh Tuhan Allah dah mare' nauan ka' ia kade' ia gi' nape' matia' sanape' nele' Raja Panyalamat nang di Tuhan Allah nyanjiatn.

Lukas 2:25-26




Jaji Roh Tuhan Allah mimpin Simeon tama' ka' Rumah Kudus Tuhan Allah. Wa'tu koa Maria man Yusup ngincakng Yesus nang gi' miah enek tama' ka' Rumah Kudus, yak nyarahatnna'-Nya ka' Tuhan Allah nuruti' parentah Tuhan Allah.

Lukas 2:27



Taka' koa uga' Simeon naap Kamuda' koa nya
ngampeknng lantast muji Tuhan Allah jakatanya,
“Ampeatn Tuhan, Kita' dah napati' janji Kita',
jaji ampeatn aku amba ulutn Kita' nian dah siap mati
baati nang dame.

Lukas 2:28-29



Barang matakudah nele! Kamuda' nian,
Panyalamat nang mpat ka' Kita'.
Panyalamat nian dah Kita' nyiapatn
yak sigana bangsa:
Lea tarakng nang narakngi' maraga untu' bangsa-
bangsa nang lain
yak atakng ka' Kita',
Ia koa tarakng nang nyajiatn dama nang edo'
untu' umat Kita' Israel.”

Lukas 2:30-32



Apa' man uwe' Kamuda' koa heran nangar pakataatn
Simeon nganai' Kamuda'nya.

Lukas 2:33

Kamus

Malaekat - Mahluk surgawi nang ngalayani' man manjawat kamao'an Tuhan Allah. Kadang-kadang Tuhan Allah ngiripm malaekat untu' nyampeatn pasatn-Nya ka' urakng-urakng.

Raja Panyalamat (Mesias) - Raja nang di Tuhan Allah nyanjiatn, nang ngalapasatnna' man nyalamatatnna' talino. Dalapm bahasa Ibrani dinalah “Mesias,” nang dinalah “Karistus” dalapm bahasa Yunani. Baik “Mesias” mao'pun “Karistus” ratinya, “nang diurapi’.” Kade' nurut adat-istiadat Israel, koalah tanda urakng nang dipilih jajia' raja. Raja Panyalamat koa adalah Yesus (Mat. 16:16; Mrk. 14:61-62; Kis. 2:36).

Roh Tuhan Allah - Tuhan Allah, Ia koa uga' Apa', Anak, man Roh. Ka' dalapm Alkitab, Roh Allah disabut uga': “Roh Kudus,” man “Rohnya Tuhan” man “Rohnya Yesus” (Kis. 16:7). Ia mimpini', manto', man uga' mare' kuasa ka' urakng-urakng nang pucaya' ka' Tuhan Allah.

Rumah Kudus Tuhan Allah - Rumah Kudus Tuhan Allah nian ka' Yerusalem, pusat agama urakng Yahudi baibadah. Urakng Yahudi arus ngincakng korban-korban ka' Rumah Kudus Tuhan Allah untu' mare' persembahan ka' Tuhan Allah. .

Yerusalem - Yerusalem nian ibu kota urakng Israel dari jaman Raja Daut. Salain pusat pamarentahan, kota koa uga' pusat agama untu' urakng Yahudi, tagal Rumah Kudus Tuhan Allah ada ka' di'koa.

